



Broj: 01/1-02-695/17
Breza, 26.04.2017. godine

Z A P I S N I K

sa ČETVRTE REDOVNE SJEDNICE Općinskog vijeća održane dana 29.03.2017. godine sa početkom u 16,30 sati u prostorijama Općine Breza-Sala Općinskog vijeća.

Sjednicom je predsjedavao predsjedavajući Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 20 vijećnika.

Sa sjednice opravdano odsutna vijećnica Jekalović Amina.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Meliha Beširević, Smajila Omerhodžić, Hasanspahić Salih, općinski pravobranilac Telalović Dženana, savjetnik općinskog načelnika Musafić Eldin i Džambić Mirza, predstavnici političkih partija, predstavnici IPS-a Instituta, i predstavnici medija.

Predsjedavajući Općinskog vijeća Jusić Vedad upoznao je vijećnike o održanim sastancima predsjednik klubova parlamentarnih stranaka, na kojima je utvrđen dnevni red i termin za 4 redovnu sjednicu Općinskog vijeća Breza, kao i dnevni red i termin za održavanja tematske sjednice koja se planira održati 12.04.2017 godine na temu Upravljanje komunalnim otpadom na području Općine Breza. Takođe je vijećnike obavijestio o završenoj akciji prikupljanja novčanih srestava za liječenje Kvačević Amara. Obavijestio je vijećnike o uspjehu našeg sugrađanina Ahmedspahić Kerima koji je uspio da se upiše u Ginisovu knjigu rekorda.

Zatim se pristupilo razmatranju i usvajanju Zapisnika sa treće redovne sjednice Općinskog vijeća Breza.

Primjedbu na Zapisnik dao je vijećnik Sirotanović Arif, koji je ponovo uputio kritiku na vođenje zapisnik, a odnosi se na postavljeno vijećničko pitanje o „radu policajaca“ što uopće nije tačno. Sadržaj vijećničkog pitanje vijećnika Sirotanović Arifa, vijećnicima je pročitao predsjedavajući Općinskog vijeća i ono glasi:

1. Da mi vijećnik Muratović Namik odgovori šta je to „policijski govor“, jer mi je to rekao na prethodnom vijeću, „Arife nemoj govoriti policiskim govorom“

2. Da Muratović Namik odgovori ko je od policije koja uzima, tačno po imenu i prezimeu, šta je to uzeo policajac, od koga je uzeo, da se zna, po imenu prezimenu oštećenih. Namik je javno za govornicom rekao kao što uzima policija.

3. Tražim od sekretara vijeća da se dostavi snimak gdje je Namik rekao iz tačke 2, kao i moje reagovanje na Namikove izgovorene riječi.

Vijećnik Avdić Edin zatražio je da se u zapisniku na strani 5 i 6 brišu dijelovi „kakvo je stanje proizvoda Perutnine Ptuj“ i „racionalizacija PS Breza“. Takođe je zatražio da se upiše i prisustvo stručnog saradnika za informisanje i urednika zvanične web stranice općine Breza.

Primjedbi na zapisnik više nije bilo te je nakon provedenog postupka glasanja konstatovano da je isti usvojen sa datim primjedbama jednoglasno sa 20 glasova ZA , bez protiv i suzdržanih glasova.

Zatim se prešlo na odgovore po vijećničkim pitanjima.

Vijećnik Bajrić Fetah istakao je da nije zadovoljan odgovorima na vijećničko pitanje koje se odnosi na trošenje budžetskih sredstava od strane bivšeg načelnika lične isplate, prezentacija i ostalo. Uputio je kritiku na općinske službe da na pitanja odgovaraju šturo, neprecizno i nedovoljno i stiče se utisak da izbjegavaju odgovore na pojedina pitanje, i to na jasna i decidno postavljena vijećnička pitanja, te se pita ima li svrhe postavljati vijećnička pitanja.

Vijećnik Čamil Buljetović slaže se sa primjedbama vijećnika Bajrić Fetaha u dijelu da službe na pitanja odgovaraju šturo, neprecizno i ne daju odgovore šta planiraju poduzeti i šta predlažu, i odgovaraju na ono što uopšte nije tema pitanja. Problem grijanja, ulična rasvjeta kod taksi štanda , uređenje zemljišta kod semafora, gdje uopšte nije odgovoreno na postavljena pitanja.

Vijećnik Avdić Edin postavio je pitanje da li općina Breza ima još zemljišta koje je dodjeljeno a nije privedeno trajnoj namjeni.

Vijećnik Sokić Dževahid je dao komentar na odgovor na vijećničko pitanje ko je postavio predsjedavajući Općinskog vijeća Jusić Vedad koje se odnosi na uzurpaciju gradskog građevinskog zemljišta da su u odgovoru navedena imena dva vlasnika objekata dok imena ostala 3 vlasnika objekata nisu navedena , te traži da se ista dostave.

Zatim se prešlo na postavljanje novih vijećničkih pitanja.

Vijećnik Sirotanović Arif pokrenuo je tri vijećničke inicijative

1. Sanacija udarnih rupa na putu Banjevac-Prhinje,
2. Sanacija udarnih rupa na putu Bulbulušići –Slivno.
3. Upravni odbor UG ORB „Brezanski rudari“ iz Breza donijeli su odluku o stavljanju na raspolaganje Općini Breza u cilju sanacije divljih deponija na području Općine Breza.

Vijećnik Buljetović Čamil uputio je zahvalnost Hasanspahić Edinu na sanaciji klupe u parku kod gornjeg zantskog centar, te uputio apel i ostalim privrednicima da se uključe u akciju sanaciji klupa u parku u Brezi .

- Apelovao na općinske organe da izvrše zamjenu stare oglasne ploče u centru grada kod „Trga rudara“, kao i da ispitaju funkciju betonskog stuba ispred gradske apoteke te ukoliko ista nije u funkciji da se ukloni.

Vijećnik Kadrić Memsud sugerše vijećnicima da naprave razliku između vijećničkog . pitanja i inicijative, imajući u vidu činjenicu da inicijativa u većini slučajeva iziskuje novčana sredstva.

- Postavio pitanje da li općina ima u planu izradu Strategije za razvoj poljoprivrede.

Vijećnik Bajrić Fetah postavio je dva pitanja

- Da se dostavi informacija koliko su UG ORB „Brezanski rudari“ iz Breza i UG „Alija Sirotanović“ dobili novčana sredstava iz Budžeta Općine Breza u proteklom 4 godišnjem periodu.

- Da se dostavi informacija koliko je firma TB-Inženjering povukla novčanih sredstava iz Budžeta općine Breza po raznim osnovama za period od 4 godine.

Vijećnik Suljagić Mirzet postavio je pitanje koje se odnosi na imovinske odnose kod projekta izgradnje Centralnog obilježja šehidima i palim borcima u Brezi.

Vijećnik Avdić Edin pokrenuo je dvije inicijative.

1- U okviru međuopćinske saradnje općina Breza i Vareš izviditi i pokrenu aktivnosti na obezbjeđivanju prostora za smještaj poljoprivrednih proizvoda sa područja dvaju općina (hladnjače) u cilju podrške poljoprivrednim proizvođačima za otkup i skladištenje poljoprivrednih proizvoda, kao i drugih prjekata iz farmaceuske industrije prerade ljeko bilja, kako bi se ostvarila preko granična saradnja sa Republikom Hrvatskom.

2.- Uspostaviti saradnju sa općinama Vareš i Visoko i izviditi mogućnost pokretanja aktivosti na rješavanju problema deponovanja otpada po evropskim standardima imajući u vidu činjenicu da općina Breza kao i susjedne općine nemaju adekvatno riješeno pitanje deponovanja komunalnog otpada.

Da se pomogne JP „Komunalno“, d.o.o. Breza u nabavci savremene tehnologija za otkrivanje nelegalnog korištenja vode.

Zatim se osvrnuo na sadržaj aktuelne općinske web stranice i portala „Brezanskog žurnala“ na kojim su iznesene netačne informacije o njegovim vijećničkim aktivnostima i postupcima na III redovnoj sjednici Općinskog vijeća Breza koja je održana 22.02.2017 godne, gdje su na jedan neprofesionalan način iznesene dezinformacije i laži kako bi se diskvalifikovao kao vijećnik Općinskog vijeća. Ovim člankom obmanuta je brezanska javnost, i njemu kao vijećniku nanесena nepopravljiva šteta,obzirom da kao vijećnik ima svoj stav, mišljenje i ugled. Zahtijeva da se utvrdi ko je dozvolio da se na zvaničnoj web stranici općine Breza objavi navedeni tekst. Poziva odgovorne da izvrše demant na objavljeni sadržaj u, protivnom svoja prava će zatražiti putem suda.

Zatim se pristupilo utvrđivanju dnevnog reda.

Predsjedavajući Općinskog vijeća upoznao je vijećnike da je općinski načelnik sa dnevnog reda povukao 14 tačku Imenovanje članova upravnih i nadzornih odbora Javnih ustanova

- a) Opća biblioteka „Muhamed Kantardžić „ Breza.
- b) Obdanište „Umihana Čuvidina,, Breza.

Vijećnik Buljetović Čamil pitao je za razloge povlačenja tačke sa dnevnog reda, te je istakao da se stiče utisak da koalicija SDA i SBB nisu jednoglasni u davanju podrške općinskom načelniku kada je u pitanju predlaganje upravnih i nadzornih odbora.

Općinski načelnik pojanio je da se nisu stekli uslovi za donošenje rješenja.

Nakon toga pristupilo se glasanju za predloženi dnevni red sa datom izmjenom o povlačenju Imenovanja članova upravnih i nadzornih odbora Javnih ustanova, te je nakon provedenog postupka glasanja jednoglasno sa 20 glasova ZA, bez protiv i suzdržanih glasova usvojen sljedeći

DNEVNI RED

1. Usmena informacija o radu Općinskog načelnika u periodu između sjednica.
2. Razmatranje i usvajanje prijedloga Budžeta općine Breza za 2017. godinu.
3. Razmatranje i usvajanje prijedloga Odluke o izvršavanju Budžeta općine Breza za 2017. godinu.
4. Razmatranje i usvajanje prijedloga Odluke o pokretanju aktivnosti za prelazak na trezorski način poslovanja.
5. Razmatranje i usvajanje prijedloga Odluke o uspostavi registra Budžetskih korisnika općine Breza .
6. Razmatranje i donošenje zaključka po Nacrtu Odluke o provođenju izmjena i dopuna Regulacionog plana „Autosaobraćaj“- Breza .
7. Razmatranje i donošenje zaključka po Nacrtu Odluke o provođenju Regulacionog plana „Industrijske zone Koritnik“ Breza.
8. Razmatranje i usvajanje prijedloga Odluke o izmjeni Odluke o pristupanju izradi izmjena i dopuna Regulacionog plana „Centar“.
9. Razmatranje i usvajanje prijedloga Odluke o dodjeli u zakup poslovnih zgrada i prostorija u kojima pravo raspolaganja ima Općina Breza.
10. Razmatranje i usvajanje prijedloga Odluke o izmjenama i dopunama Odluke o privremenom zauzimanju javnih površina na području općine Breza (Prečišćeni tekst).
11. Razmatranje i usvajanje prijedloga Odluke o dodjeljivanju javnog priznanja Općine Breza „Plaketa Breze“.
12. Razmatranje i usvajanje prijedloga Odluke o dodjeljivanju javnog priznanja Općine Breza „Nagrada Breze“.
13. Razmatranje i usvajanje Izvještaja o radu organa mjesnih zajednica za period 2013. do 2016.
14. Imenovanje dva člana Odbora za provođenje Etičkog kodeksa.

Ad.1

Usmena informacija Općinskog načelnika o aktivnostima između održanih sjednica.

Općinski načelnik Zaimović Munib upoznao je vijećnike o aktivnostima koje su vođene u periodu između dvije sjednice.

- u toku su pripreme za nastavak i završetak započetih projekata na području općine između ostalih završetak započetih vodovoda na rubnim dijelovima općine, realizacija projekta izgradnje zgrade za Rome, završetak puta prema groblju u Mahali, nastavak izgradnje projekta sportske dvorane. Vrš se pripreme projektne dokumentacije za izgradnju lokanog puta u Župči, početak projekta izgradnje tržnice u Breze I faza, izgradnja rezervoara za vodu u naselju Slivno. Nepovoljno je potpisivanje okvirnog sporazuma koji se odnosi na izgradnju zgrade za Rome u Brezi u iznosu od oko 900 hiljada. Vode se pregovori oko industrijske zone Koritnik . Raskinut je ugovor za izdavanje objekta bivše Streljane. Vode se pregovori oko naplate koncesija. U toku su pripreme za usvajanje Prostornog plana Breze, završetak kanalizacije u naselju Jasike i stavljanje fasade na zanatskom centru II

Ad.2

Razmatranje i usvajanje prijedloga Budžeta općine Breza za 2017. godinu.

Pomićnik općinskog načelnika za finansije, inspekciske poslove i opću upravu Meliha Beširević upoznao je vijećnike o prijedlogu Budžeta Općine Breza za 2017. godinu, koji se sastoji od prihoda u iznosu od 4.600.000,00 KM, rashoda od 4.500.000,00 KM, pokriva akumuliranog deficita od 100.000,00 KM i tekuće rezerve od 50.000,00 KM. Prijedlog Budžeta Općine Breza za 2017. godinu, usklađen je sa „Dokumentom okvirnog Budžeta

2017- 2019 godne Federacije BiH“, federalnog ministarstva finansija, te „DOB 2017-2019 god Ministarstva ZE-DO kantona. Prioritet općinskog načelnika će biti sanacija i konsolidacija Budžeta Općine Breza, smanjanje ukupnog deficita budžeta, efikasno i efikajentno daljnje korištenje sredstava i raspolaganje javnim prihodima, čime bi se uspostavila budžetska ravnoteža, omogućilo daljnje investiranje, rast i razvoj i privlačenje investitora i otvaranje novih radnih mjesta.

Predsjednik kluba SDA Mirza Ahmedspahić u ime kluba SDA istakao je da podržavaju predloženi Budžet .Takođe je iznio i smjernice kod priprema za izredu narednog budžeta Općine Breza. Predlaže da se kod izrade budžeta, forma unaprijedi i jasnije prikažu sintetička i analitička konta u cilju jednostavnijeg i jasnijeg pregleda. Preciznije razčlaniti pojedina konta, da se vidi za koje namjene su predviđena, za koje projekte i u kom iznosu, čime bi se obezbijedilo transparentnije i spriječilo nenamjensko trošenje Budžeta.

Smatra da je procenat sredstava predviđenih za plate i naknade i troškove uposlenika izuzetno visok. Broj zaposlenih svesti na potreban broj uposlenika shodno standardima i bilo kakvo povećanje zaposlenih u organu uprave i ostalim institucijama koje se finansiraju iz budžeta općine Breza je nedopustivo. Dio sredstava namjenjen za plate i naknade planirati za rješavanje statusa viška uposlenih radnika. Racionalizirati sredstva predviđena za reprezentaciju i usluge medije.

Predvidjeti sredstva za rad MZ-a u minimalnom iznosu od 20 hiljada. Srestva predviđena za rad neprofitabilnih organizacijama stopirati do izrade kriterija za raspodjelu. Podržava planirana sredstva za rad komisija. Istakao je da nisu predviđena sredstva za udruženja koja su od važnosti za društveni život a to je pomoć za rad vjerskih zajednica, kao i sredstva za nastavak izgradnje projekta Centralnog šehidskog spomen obilježja.

Predsjednik kluba DF i SDP Buljetović Čamil podržava predloženi budžet. Slaže se sa prihodovnom stranom budžeta ona je onakva kakva jeste. Međutim ima primjedbi na rashodovnu stranu i glasače za nju samo zbog činjenice da smo ušli u privremeno finasiranje, zbog teškog ekonomskog stanja, te da je pozicija načelnika veoma teška, čini se da nema podršku ni svih članova svoje političke partije, i dok bude radio u interesu građana podržaće ga. Primjedbe koje bi trebalo ugraditi u naredni budžetu su sljedeće.

- Rashodovna strana planirana sredstva za rad sportskih društava, odrediti prioritete u finansiranju, i da se u idućoj godini jasno odredi novčani iznos po udruženju i to na osnovu rada udruženja i utroška sredstava u tekućoj godini da se tačno zna ko je koliko i zašto potrošio.
- Ovakav način finansiranja primjeniti kod ostalih udruženja, odrediti tačan iznos sredstava kome i koliko je za što utrošeno.
- Sredstva predviđena za finansiranje nadarenih učenika je diskutabilno,i potrebno je uraditi jasne kriterije za raspodjelu ovih sredstava.
- Finansiranja infrastrukturnih projekata takođe odrediti prioritete u finansiranju, te odrediti koliko ćemo tačno sredstava utrošiti po MZ-ama za koje projekte i do kog vremenskog perioda.

Predsjednik kluba SBB Namik Muratović istakao je da vladajuća kolalacija općinskom načelniku daje punu podršku u formiranju vladajućih struktura u javnim ustanovama i preduzećima i da su u pitanju tehnički detalji. Stranka SBB takođe podržava predloženi budžet. Pohvalio je općinskog načelnika u planiranju rashodovne strane budžeta. Istakao je da je SBB stranka u predizbornoj kampanji obećala smanjenje budžetske potrošnje za plate i naknade uposlenicima kao i racionalizaciju radnih mjesta u općinskom organu uprave, te je iznos za plate i naknade u odnosu na 2016 godinu manje za oko 200 hiljada. Takođe predlaže javno i transparentno trošenje sredstava, tačno ko je potrošio i za što i u kom iznosu.

Vijećnik Čamil Buljetović uputio je repliku na izlaganje vijećnika Muratović Namika, te ističe da je ponovno raspisivanje javnog oglasa za upravne i nadzorne odbore dokaz o funkcionisanju vladajuće koalicije.

Vijećnik Kadrić Memsud istakao je da je predloženi budžet vizija Općinskog načelnika o tome šta i kako planira raditi u narednom priodu. Obzirom na trenutno stanje, potrebe i raspoloživa sredstva biće veoma teško izvršiti realnu raspodjelu sredstava. Predlaže da se u buduće planira dio sredstava za obnovu stambenih zgrada i fasada. Trebalo bi razmisliti o formiranju nove zdrave i stabilne javno-privatne firme, koje će biti sposobna za obavljanje poslova uređenje zgrada i fasada i održavanja zgrada, obzirom da komunalno preuže nema kapacitet i nije opremljeno za pružanje ovakve vrste usluga. Na taj način bi se moglo riješiti i višak zaposlenih radnika.

Vijećnik Avdić Edin je istakao je da budžet nije jasan sa lošom specifikacijom kapitalnih investicija i ne vidi se o kojim projektima je riječ, gdje će se uložiti i koliko sredstava i za koji vremenski period. Subvencija JU Dom zdravlja Breza nesrazmjern je u odnosu na nivo i količinu usluga koje pruža. Subvencija JP „Komunalno“ d.o.o Breza u iznosu od 150 hiljada, predviđene za nabavku kamiona za odvoz otpada, iz tih sredstava izvršiti pripremu i nabavku sredstava za javnu rasvjetu i horizontalnu siglalizaciju i zimsko održavanje, jer sredstva nisu u funkciji da se obezbijede poslovi koji će komunalnom preduzeću obezbijediti dobit i povećanje obima proizvodnje i pružanju usluga čime bi ostvarili dohodak. Ne postoji plan i program rada za 2017. godinu i prioritete kao i struktura radova gdje će se šta tačno raditi, i u kom vremenskoj periodu, ako se ne uradi planirati za iduću godinu. Nije ispoštivan ni Zakon o komunalnoj djelatnosti i obavljanje komunalnih usluga i to u oblasti kafileriskih poslova i javne rasvjete, i isto se trebalo prikazati na javnoj raspravi, obzirom da se radi o budžetskim sredstvima. Poržava predviđena budžetska sredstva za plate i naknade, sredstva za Centar za socijalni rad, nadarene učenike, pomoć porodicama šehida, pomoć pri dobijanju trećeg djeteta, grantove neprofitabilnim ograizacijama, i 50 hiljada sredstva za prvo zaposlenje. Predlaže da se predvide sredstva za završetak Centralnog spomen obilježja šehidima i poginulim borcima.

Vijećnik Bajrić Fetah istakao je da treba odrediti prioritete u radu i vremensku specifikaciju izvršenja i o radu obavijestiti javnost putem vijećnika i kvartalnih izvještaja o radu i izvršavanju Budžeta za 2017. godinu.

Učesnika u raspravi više nije bilo te je nakon provedenog postupka glasanja konstatovano da je Budžet općine Breza za 2017. godinu usvojen jednoglasno sa 20 glasova ZA, bez protiv i uzdržanih glasova.

Pomoćnik općinskog načelnika Salih Hasanspahić u pogledu finansijske realizacije i implementacije planova i programa općinskog načelnika i općinskih službi predlaže prioritetsku izradu planova i programa čime bi se definisao način utroška budžetskih sredstava. Traži od Općinskog vijeća prostor i mogućnost da do naredne sjednice Općinskog vijeća za svaku budžetsku stavku pripremi izradu programa utroška sredstava po kontima za koje je nadležna Služba za privredu, kako bi obezbijedili transparentnost u radu i izvještavanju realizacija programa rada Općinskog načelnika. Općinsko vijeće je do sada usvajalo Program utroška sredstava za poljoprivredni posticaj.

Ad. 3

Razmatranje i usvajanje prijedloga Odluke o izvršavanju Budžeta općine Breza za 2017. godinu.

Pravni osnov kao i razloge za donošenje dao je pomoćnik Općinskog načelnika Meliha Beširević.

Istakla je da je na lokalnom nivou ova odluka osnov za izvršavanje budžeta kojeg smo usvojili. Pojasnila je da za pojedine stavke nije moguće uraditi kriterije za raspodjelu. U ovoj godini u planu je izrada kriterija za raspodjelu sredstava za infrastrukturne projekte i projekte koji se izvode po MZ., gdje će se tako napraviti plan i program utroška sredstava, te

če vijećnici biti upoznati i moći da odluče o budžetskoj potrošnji i za koje projekte. Kada su u pitanju neprofitabilne organizacije koje imaju poseban status određena je visina naknade, a za ostala udruženje naknada će se odrediti na osnovu programa rada. Komisija za budžet i finansije predlaže dostavu mjesečnih izvještaja kako općinskom načelniku tako i samoj komisiji. Vijećnici općinskog vijeća biće izvještavani kako je predviđeno Programom rada Općinskog vijeća.

Vijećnik Bajrić Fetah istaka je da Općinski načelnik treba odrediti prioritete i upoznati Općinsko vijeće, kako bi sve bilo javno i transparentno. Ovdje je bitno da ono što je planirano da se i uradi a ne da građani svoja potraživanja moraju naplaćivati prinudnim pute.

Općinski načelnik istakao je da se prilikom prihvatanja mandata općinskog načelnika zakleo da će sve raditi javno i transparentno u interesu građana. Dolaskom je preuzeo deset infrastrukturnih projekata koji su započeti i nisu završeni i treba odrediti prioritete u cilja završetka istih, u čemu će i Općinsko vijeće aktivno učestvovati.

Vijećnik Avdić Edin postavi je pitanje općinskom načelniku koji je metod korišten kod izrade Programa rada. Kada se radi o transparentnom tršenju budžetskih sredstava Općinsko vijeće mora pratiti i biti upoznato o načinu izvršenja budžeta općine, a ne samo da aminuje nečije greške. U članu 19. predložene Odluke nije predviđeno da Općinsko vijeće prati potrošnju sredstava za tekuća i investiciona ulaga, te je neophodno osigurati mehanizam kroz Općinsko vijeće obzirom da je općina do sada imala promašenih projekata koje građani Breze i dalje plaćaju, a prvenstveno se radi o projektu Mala rijeka i Sportska dvorana.

Shodno tome predložio je amandman da se u čl. 19. odluke doda iza riječi „na prijedlog nadležnih službi upisati “uz saglasnost Općinskog vijeća“, uz korištenje postojećih kriterija.

Pomoćnik Općinskog načelnika Meliha Beširević predložila je amandman da se u čl. 19. odluke doda iza riječi „na prijedlog nadležnih službu“ upisati “uz saglasnost Općinskog vijeća“, uz korištenje postojećih kriterija, što je greškom ispuštano.

Učesnika u raspravi više nije bilo te je nakon provedenog postupka glasanja konstatovano da je jednoglasno sa 20 glasova ZA, bez protiv i suzdržanih glasova usvojena Odluka o izvršavanju Budžeta općine Breza za 2017. godinu, sa predloženim amandmanom.

(Uz saglasnost predsjedavajućeg sjednicu Općinskog vijeća napustio je vijećnik Sirotanović Arif 18,15 sat)

Ad. 4.

Razmatranje i usvajanje prijedloga Odluke o pokretanju aktivnosti za prelazak na trezorski način poslovanja.

Pomoćnik Općinskog načelnika Meliha Beširević upoznala je vijećnike o pravnom osnovu i razlozima za doneošenje predložene odluke po kome su općine dužne da od 06.04.2017 godine stvore uslove i prelazak na trezorski način poslovanja.

Vijećnik Avdić Edin zatražio je dodana pojašnjenja obzirom da se radi o novom načinu poslovanja.

Vijećnik Kadrić Memsud postavio je pitanje o posljedicama ne pridržavanja ovog vida poslovanja i na koji način će se isplaćivati sudska potraživanja, na što je g-đa Beširević pojasnila da je određen način isplate ovih stavki. Za kršenje ovog zakona predviđene su stroge kontrole i kazne.

Učesnika u raspravi više nije bilo te je nakon provedenog postupka glasanja konstatovano da je jednoglasno sa 19 glasova ZA, bez protiv i suzdržanih glasova usvojena Odluka o pokretanju aktivnosti za prelazak na trezorski način poslovanja.

Ad. 5

Razmatranje i usvajanje prijedloga Odluke o uspostavi registra Budžetskih korisnika općine Breza.

Bez učesnika u raspravi jednoglasno sa 19 glasova ZA bez protiv i suzdržanih glasova usvojena je Odluka o uspostavi registra Budžetskih korisnika općine Breza .

Ad. 6

Razmatranje i donošenje zaključka po Nacrtu Odluke o provođenju izmjena i dopuna Regulacionog plana „Autosaobraćaj“- Breza .

Pomoćnik Općinskog načelnika Smajila Omerhodžić pojasnila je da se Izradi izmjena i dopuna Regulacionog plana „Autosaobraćaj“ pristupilo na osnovu Odluke o pristupanju izradi Regulacionog plana „Autosaobraćaj“ broj: 01/1.02.2248/16 od 25.08.2016 godne. Cilj plana je detaljna planska razrada ovog područja i stvaranje uslova za zakonsku i plansku izgradnju potrebnih objekata.

Predstavnici IPSA Instituta iz Sarajeva izvršili su prezentaciju prijedloga Nacrta Odluke o provođenju izmjena i dopuna Regulacionog plana „Autosaobraćaj“- Breza .

Nakon prezentacije predsjedavajući Općinskog vijeća predložio je sljedeći :

ZAKLJUČAK

I

UTVRĐUJE SE Nacrta Odluke o provođenju Regulacionog plana „Autosaobraćaj“ Breza .

II

Javnu raspravu sprovesti u periodu od 01.04.2017 do 15.04.2017.godine.

III

Javnu raspravu sprovest u okviru vijećnika, privrednika, predstavnika mjesnih zajednica i ostalih zainteresovanih subjekata na području Općine Breza.

IV

Za realizaciju zaključka zadužuje se Služba za prostoro uređenje, zaštitu okolice, geodetske i imovinsko-pravne poslove.

Nakon provedenog postupka glasanja konstatovano je da je zaključak o utvrđivanju Nacrta Odluke o provođenju Regulacionog plana „Autosaobraćaj“ Breza usvojen jednoglasno sa 19 glasova ZA , bez protiv i suzdržanih glasova..

Ad. 7

Razmatranje i donošenje zaključka po Nacrtu Odluke o provođenju Regulacionog plana „Industrijske zone Koritnik“ Breza.

Pomoćnik Općinskog načelnika Smajila Omerhodžić pojasnila je da Odluka o provođenju Regulacionog plana „Industrijske zone Koritnik“ Breza važi za period od 5 godina od dana donošenja. Odlukom se utvrđuju uslovi korištenja, izgradnje, uređenja i zaštite prostora i načina provođenja Regulacionog plana industrijske zone, naročito prostorne cjeline, urbanističko- tehnički uslovi za izgradnju građevina, uslovi za uređenja građevinskog zemljišta, uređenje zelenih i slobodnih površina, te odnosi prema postojećem industrijskom postrojenju.

Predstavници IPSA Instituta iz Sarajeva izvršili su prezentaciju prijedloga Nacrta Odluke provođenju izmjena i dopuna Regulacionog plana „Koritnik“- Breza .

Nakon prezentacije predsjedavajući Općinskog vijeća predložio je sljedeći :

Z A K L J U Č A K

I

UTVRĐUJE SE Nacrta Odluke o provođenju Regulacionog plana „Industrijske zone Koritnik“ Breza.

II

Javnu raspravu sprovesti u periodu od 01.04.2017. do 15.04.2017.godine.

III

Javnu raspravu sprovest u okviru vijećnika, privrednika, predstavnika mjesnih zajednica i ostalih zainteresovanih subjekata na području Općine Breza.

IV

Za realizaciju zaključka zadužuje se Služba za prostoro uređenje, zaštitu okolice, geodetske i imovinsko-pravne poslove.

Nakon provedenog postupka glasanja konstatovano je da je zaključak o utvrđivanju Nacrta Odluke o provođenju Regulacionog plana „Industrijske zone Koritnik“ Breza usvojen jednoglasno sa 19 glasova ZA , bez protiv i suzdržanih glasova.

Ad. 8

Razmatranje i usvajanje prijedloga Odluke o izmjeni Odluke o pristupanju izradi izmjena i dopuna Regulacionog plana „Centar“.

Pomoćnik Općinskog načelnika Smajila Omerhodži pojasnila je da Odluka o pristupanju izradi izmjena i dopuna Regulacionog plana „Centar“ donosi obzirom da predmetni obuhvat predstavlja atraktivno građevinsko zemljište, u užem području grada, sa nizom mogućnosti za racionalno korištenje, a novo rukovodstvo općine namjerava sve resurse u gradu staviti na raspolaganje investitorima na jedan kompletniji način koji je zahtijevao i izmjenu smjernica za izradu izmjena i dopuna Regulacionog plana „Centar“.

Vijećnik Bajrić Fetah postavio je pitanje da li se ovom odluko podrazumjeva legalizacija puta pored Radničkog doma.

Pomoćnik Općinskog načelnika Smajila Omerhodžić pojasnila je da je ovaj put korišten od strane građana koji gravitiraju ovim dijelom i nije bio uplanjen.

Vijećnik Avdić Edin podrazumjeva da će biti uništena javna zelena površina

Sjednicu vijeća napustio je vijećnik Bajrić Fetah 18,35 sati)

Vijećnik Namik Muratović predlaže da zbog problema nedostatka parking prostora u okviru Regulacionog plana „Centar“, da se izvidi mogućnost proširenja parking prostora u nizu kako je predviđeno.

Učesnika u raspravi više nije bilo, te je nakon provedenog postupka glasanja konstatovano da je Odluka o izmjeni Odluke o pristupanju izradi izmjena i dopuna

Rgulationog plana „Certar“ usvojena jednoglasno sa 18 glasova ZA , bez protiv i suzdržanih glasova.

Ad 9.

Razmatranje i usvajanje prijedloga Odluke o dodjeli u zakup poslovnih zgrada i prostorija u kojima pravo raspolaganja ima Općina Breza.

Pomoćnik Općinskog načelnika Smajila Omerhodžić iznijela je razloge za donošenje ove odluke. Pojasnila je da se ukazala potreba regulisanja pitanja dodjele poslovnih zgrada i prostorija, plaćanje zakupnine, u cilju optimalnog upravljanja i raspolaganja poslovnim prostorijama, kao i njihova zaštita od bespravnog korištenja i devastiranja.

Odlukom se reguliše postupak dodjele, visina i način plaćanja zakupnine prava i obaveze ugovorenih strana, prestanak ugovora o zakupu, i druga pitanja od značaja za zaštitu poslovnih prostorija, što dosadašnjom odlukom nije bilo reulisano.

Vijećnik Kadrić Memsud je postavio dodatna pitanja o visini i cijeni 1m2 za udruženja, kao i o statusu društvenih domova po MZ-ama.

Učesnika u raspravi više nije bilo, te je nakon provedenog postupka glasanja konstaovano da je Odluka o dodjeli u zakup poslovnih zgrada i prostorija u kojima pravo raspolaganja ima Općina Breza usvojena jednoglasno sa 18 glasova ZA, bez protiv i suzdržanih glasova.

Ad 10.

Razmatranje i usvajanje prijedloga Odluke o izmjenama i dopunama Odluke o privremenom zauzimanju javnih površina na području općine Breza (Prečišćeni tekst).

Vijećnik Kadrić Memsud predlaže da poslije isteka vremena zauzimanja javne površine, da dosadašnji korisnik javne površine prostor oslobodi i dovede prostor u prvobitno stanje.

Vijećnik Suljagić Mirzet postavio je pitanje da li postoje slučajevi da se ne uplati naknada za zauzimanje javne površine.

G-đa Smajila Omerhodžić pojasila je da se rješenje izdaje nakon uplate zakupa za zauzimanje javne površine .

Vijećnik Čamil Buljetović predleže da se izvidi mogućnost ukoliko pojedini korisnici javnih površina žele koristiti javnu površini poslije isteka roka zakupa omogući korištenje uz odgovarajuću naknadu do postupka novog idavanja javne površine.

(Radu vijeća priključio se vijećnik Bajrić Fetah u 19,30)

Ad 11.

Razmatranje i usvajanje prijedloga Odluke o dodjeljivanju javnog priznanja Općine Breza „Plaketa Breze“.

Zamjenik predsjednika Komisije za odlikovanjai općinska priznanja Jusić Smail upoznao je vijećnike o provedenoj proceduri za dodjeljivanje općinskog priznanja „Plaketa Breze“. Nakon razmatranja prispjelih prijedloga komisija je jednoglasno odlučila da se „Plaketa Breze“ dodijeli dr. Ahmedspahić (Halima) Mirzi.Takođe je odlučeno da uz Plaketu dodijeli i novčani iznos od 500 KM.

Vijećnik Avdić Edin podržava prijedlog Komisije i podsjeća da je prilikom intervencije doktora i silaska u jamu RMU Breza uporedo sa doktorom bila i medicinska sestra koja je bila u pratnji, te je mišljenja da i ona zaslužuje priznanje, te da se to ima u vidu naredne godine i istoj dodijeli općinsko priznanja.

Učesnika u raspravi više nije bilo te je nakon provedenog postupka glasanja konstatovano da je prijedlog usvojen sa 18 glasova ZA i 1. suzdržanm glasom, proti nije bilo.

Ad 12.

Razmatranje i usvajanje prijedloga Odluke o dodjeljivanju javnog priznanja Općine Breza „Nagrada Breze“.

Zamjenik predsjednika Komisije za odlikovanja i općinska priznanja upoznao je vijeće o provedenoj proceduri za dodjelu „Nagrade Breze“. Komisije je jednoglasno odlučila da se nagrada Breze dodijeli:

1. Kojić (Nove) Tigranu
2. Pulo (Eldina) Anesi
3. Šahić (fahrudina) Asiji

Vijećnik Čamil Buljetović postavio je pitanje da li ima smetnji da se nagrada dodjeli maloljetnoj osobi.

Safet Zahirović pojasnio je da nema smetnji za dodjelu Nagrade maloljetnom licu i da Odlukom nije definisana starosna dob za dodjelu priznanja.

Učesnika u raspravi više nije bilo te je nakon provedenog postupka glasanja konstatovano da je prijedlog usvojen sa 18 glasova ZA i 1. suzdržanim glasom, protiv nije bilo.

Ad 13.

Razmatranje i usvajanje Izvještaja o radu organa mjesnih zajednica za period 2013. do 2016.

Predsjednik kluba SBB Namik Muratović u ime kluba SBB istakao je da je dostavljeni izvještaj sramotan i da se na dvije strane prikazuju poslovi i rad mjesnih zajednica u protekle 4 godine. Sadržaj izvještaja je takav da se iz njega ništa ne može zaključiti.

Vijećnik Bajrić Fetah istakao je da Izvještaj o utrošku sredstava MZ-a i Izvještaj o radu organa MZ-a je nesrazmjeran. Savjet MZ-a ne prati finansijski izvještaj o utrošenim sredstvima. Proizilazi da službenik općine kordinator za rad sa MZ uopće nije radio svoj posao. MZ-e predstavljaju bazu života lokalne zajednice i one su osnova svega, a po izvještaju se vidi da se ništa nije radilo i mnogi odnosi su nedefinisani i nejasni, i preko istih je vršena pljačka građana Breze. Predlaže da se donese zaključak o ne usvajanju predloženog izvještaja, te da se pokrene postupak odgovornosti kordinatona za rad sa MZ-ama.

Općinski načelnik pojasnio je da je započeta procedura izbora članova savjeta MZ-a na području općine Breza, te moli sve da se aktivno uključe u ovaj izbor kako bi se došlo do imenovanja lica koja će predstavljati MZ-e.

Predsjednici klubova parlamentarnih stranaka predložili su da se predloženi Izvještaja o radu organa mjesnih zajednica za period 2013. do 2016 da na glasanje.

Nakon provedenog postupka glasanja konstatovano je da Izvještaj nije usvojen (14 vijećnika je glasalo protiv; 5 vijećnika je bilo suzdržano).

Ad 14.

Imenovanje dva člana Odbora za provođenje Etičkog kodeksa.

Predsjednik Komisije za izbor i menovanja i administrativne poslove , upoznao je vijećnike da je Komisija u Odbor za provedbu Etičkog kodeksa vijećnika u Općinskom vijeću Breza predložila Beširević Selmu i Škrgić Belmu.

Primjedbi na prijedlog nije bilo , te je predsjedavajući prijedlog o imenovanju članova Etičkog odbora dao na glasanje.

Nakon provedenog postupka glasanja konstatovano je da je sa 18 glasova ZA i 1. suzdržanim glasom u Odbor za provedbu Etičkog kodeksa, imenovane vijećnice Općinskog vijeća Breza Beširević Selmu i Škrgić Belma.

Ovim je iscrpljen dnevni red četvrte redovne sjednice Općinskog vijeća Breza koja je sa radom završila u 20,00 sati.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović

PREDSJEDAVAJUĆI
Općinskog vijeća
Jusić Vedad